

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Johannis Segeri Weidenfeld De Secretis Adeptorum Sive  
Usu Spiritus Vini Lulliani Libri IV**

**Weidenfeld, Johann S.**

**Londini, 1684**

20. Spiritus Calcis viva Basilii

[urn:nbn:de:bsz:31-96282](#)

Arcana: Pro Valedictorio detegam etiam mysterium Calcis vivæ, & dicam primò modum destillandi ejus spiritum, quod opus sanè requirit Artistam expertum anteā bene informatum in hac præparatione.

## 20. Spiritus Calcis Vivæ Basiliæ,

*In fine Lib. de Med. supernatur.*

R. C alcis Vivæ q. v. tere & præpara in marmore in pulvrem impalpabilem, cui affunde Spiritū Vini (*Menstrui sub No. 18.*) tantum, quantum imbibi possit à Calce pulverifata, ita ut nullus Spiritus supernatet Calcem. Tum applica alembicum; luta bene, & apposito recipiente abstrahe Spiritum lenissimè in Balneo ab eā; hæc abstractio reiteranda octo vel decem vicibus. Hic Spiritus Vini fortificat valdè Spiritum Calcis, qui inde fit magis igneus. R. Calcem remanentem ex cucurbita, quam contere optimè, cui adde Salis Tartari (*Alcali*) partem decimam, & ad pondus omnium, Terræ salis Tartari, sive materiæ in Extræctione salis Tartari relictæ & bene exsiccatae, hæc omnia bene mixta destilla ex retorta bene lutata, cujus tres partes sint vacuæ, in Recipienti magnum & firmum. Nota, necesse est, ut recipiens, in quod Retortæ rostrum inseritur, habeat fistulam unius digiti latam, cui aliud applicandum est recipiens, in quo parva quantitas Spiritū Vini (*Menstrui sub No. 18.*) sit. Tum leni igne destilla, & ascendet phlegma in recipiens primum, destillatō phlegmate adauge ignem, & veniet Spiritus albus in forma Spiritū albi ex Vitriolo (*philosophico*) destillati, qui non descendet in phlegma, sed per fistulam prædictam in alterum recipiens, seie inibi conjungens Spiritui Vini, quemadmodum ignisigni facilè jungitur. Nota, nisi hic Spiritus Calcis ritè fuerit præparatus vel imprægnatus Vini Spiritu, cohobationibus prædictis, destillando miscetur phlegmati suo, extinguitur & amittit suam virtutem. Ita difficile est penitus perscrutari naturam, plurima sibimet ipsi reservantem. Hoc Spiritu jam Vini Spiritu commixto, remove recipiens, effunde phlegma, at cautè serva calcis & vini Spiritus. Nota, ambos hos.

Spir.

Spiritus difficulter separari, etenim sese invicem amplectuntur, & destillando ascendunt junctim. Propterea mixtos & unitos Spiritus accende in vase vitro, spiritus Vini comburitur, sed Calcis Spiritus remanet in vitro, quem reserva diligenter. Hic magnum est Arcanum, Spiritus pauci excedunt ejus efficaciam, modò sciatis ejus usum. Ipsius qualitates haud describi possunt per modum compendii. Hie spiritus dissolvit oculos cancrorum & cristallos durissimas; tria hæc destillata invicem per alembicum & sepius cohobata, reddunt liquorem, cuius guttæ tres, adhibitæ in vino calido, frangunt & dissolvunt arenam & calculum corporis humani, liquor hic expellit istius morbi veram radicem vel causam absque ulla patientis dolore. Spiritus hic calcis ab initio est coloris cœrulei, sed leniter rectificatus appetet albus, transparens & clarus, paucas post se relinquens feces. Spiritus hic dissolvit cimelia fixissima & lapides preciosos; è contrario fixat omnes Spiritus volatiles transcendentia calore suo. Spiritus hic vincit quæcumque Podagræ symptoma, etiamsi summè nodosa & tartarea, quæ omnia dissolvit & expellit radicaliter.

*Spiritus Vini sale harmoniaco vegetabili acutatus si accendatur, Communis Vini Spiritus comburitur, sal armoniacum autem incombustibile ascendit in forma liquoris, & Spiritus Vini igneus Basilii dicitur. Verum-enim-verò cum idem Spiritus vini sale harmoniaco conjunctus absorbeatur à Calce viva, & inde destilletur in seipsum, posteaque accendatur; Spiritus Vini Com. flammæ quidem consumitur, ut anteā, at Calcis spiritus, vel potius sal harmoniacum vegetable, non ascendit, ut prius, sed remanet in Vitri fundo, quia magis digestum & fixius redditum. Ast pro majore horum spirituum Elucidatione, aliam addere spiritus Calcis descriptionem consultum duximus:*

## 21. Spiritus Calcis Vivæ simplex Basilii, In Manualibus Operationibus.

¶ Alcem vivam puram, quam combure in furno sigilli, igne fortissimo, ut educatur ad exactam maturitatem, cui subtilissime in marmore tritæ assunde in eucurbita Spiritum Vini